

კედლის კონდიციონერების (CPV-42512200) შესყიდვის მიზნით სსიპ საქართველოს ინტელექტუალური საკუთრების ეროვნული ცენტრი „საქპატენტის“ სატენდერო კომისიის სხდომის ოქმი №1

ქ. მცხეთა

07 აგვისტო 2017 წ.

სხდომას უძღვებოდა სატენდერო კომისიის თავმჯდომარე: – ნიკოლოზ გოგილიძე (სსიპ საქართველოს ინტელექტუალური საკუთრების ეროვნული ცენტრის „საქპატენტის“ თავმჯდომარე).

სხდომას ესწრებოდნენ:

სატენდერო კომისიის წევრები:

ბ) ირაკლი კასრაძე - სასაქონლო ნიშნების, გეოგრაფიული აღნიშვნების და დიზაინის დეპარტამენტის უფროსი;

გ) ვლადიმერ სიხარულიძე - საფინანსო დეპარტამენტის უფროსი;

დ) გიორგი ჯავახიშვილი - საფინანსო დეპარტამენტის შესყიდვების განყოფილების უფროსი, და სატენდერო კომისიის აპრატის წევრი.

დღის წესრიგი:

კედლის კონდიციონერების სახელმწიფო შესყიდვის მიზნით ელექტრონული ტენდერის გამოცხადება.

გადაწყვეტეს:

1. დამტკიცდეს სატენდერო პირობები კედლის კონდიციონერების ელექტრონული ტენდერით შესყიდვასთან დაკავშირებით ცხრილში მოცემული რაოდენობით და ტექნიკური მახასიათებლებით:

ცხრილი

#	დასახელება	ტექნიკური მახასიათებლები და პირობები	რ- ბა
1	კედლის კონდიციონერი	- კედლის ტიპის ზამთარ-ზაფხულის კონდიციონერი - 12000 BTU. ტემპერატურული დიაპაზონი: - 5 დან + 43 C. ფრეონის ტიპი: 410 ფრეონზე. დისტანციური მართვის პულტი. შიდა და გარე ბლოკების მაკავშირებელი მილები - არანაკლებ 3 მეტრი. (ერთი კონდიციონერის არასტანდარტული მონტაჟი, რაც გულისხმობს მაკავშირებელი მილების გამოყენებას დაახლოებით 5 მეტრის ოდენობით). თავისი გარე აგრეგატის სამაგრებით. გათბობა-გაგრილების რეჟიმი. ავტორესტარტი.	5

2. შესყიდვის ობიექტის სავარაუდო ღირებულება შეადგენს: 4000 (ოთხი ათასი) ლარს.
3. მიმწოდებლის მიერ შემოთავაზებულ საქონელზე უნდა ვრცელდებოდეს - არანაკლებ 2 (ორი) წლიანი საგარანტიო და სერვისის მომსახურება.
4. საგარანტიო ვადის განმავლობაში მიმწოდებელი ვალდებულია შემსყიდველის მხრიდან დამატებითი დანახარჯების გაწევის გარეშე, საკუთარი სახსრებით უზრუნველყოს ნებისმიერი სახის დაზიანების აღმოფხვრა (მათ შორის საჭიროების შემთხვევაში ნებისმიერი დეტალის გამოცვლა), ან დაზიანებული საქონელი შეიცვალოს ახლით, შემსყიდველის მხრიდან შესაბამისი შეტყობინების მიღებიდან არაუმეტეს 20 (ოცი) კალენდარული დღის განმავლობაში.
5. საქონლის მიწოდება და მონტაჟი უნდა განხორციელდეს შემდეგნაირად: მისამართზე - ქ. თბილისი, ნინო რამიშვილის ქ. №4-ში, 1 (ერთი) ცალი ახალი კონდიციონერის მიწოდება და სტანდარტული მონტაჟი. მისამართზე - ქ. თბილისი, ნინო რამიშვილის ქ. №31-ში, 3 (სამი) ცალი ახალი კონდიციონერის მიწოდება და სტანდარტული მონტაჟი. მისამართზე - ქ. მცხეთა, ანტოქიის ქ. №5-ში, 1 (ერთი) ცალი ახალი კონდიციონერის მიწოდება და არასტანდარტული მონტაჟი, რაც გულისხმობს მაკავშირებელი მილების გამოყენებას დაახლოებით 5 მეტრის ოდენობით.
6. მიმწოდებელმა საკუთარი ხარჯებით უნდა უზრუნველყოს 1 (ერთი) ცალი ძველი კონდიციონერის დემონტაჟი, მისამართზე: ქ. თბილისი, ნინო რამიშვილის ქ. №31, და ასევე შემსყიდველის საკუთრებაში არსებული 1 (ერთი) ცალი კონდიციონერის სტანდარტული მონტაჟი, მისამართზე: ქ. მცხეთა, ანტოქიის ქ. №5 და საჭიროების შემთხვევაში ფრეონის დამატება და საექსპლუატაციო რეჟიმში მოყვანა.
7. საქონლის მიწოდება და მონტაჟი უნდა განხორციელდეს ხელშეკრულების დადებიდან არაუგვიანეს

20 (ოცი) კალენდარული დღის ვადაში.

8. სატენდერო წინადადებით წარმოდგენილი საქონლის საერთო და ერთეულის ფასი წარმოდგენილი უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან და ინსტალაციასთან დაკავშირებული ყველა გადასახადის გათვალისწინებით. ხარჯები, რომლებიც სატენდერო წინადადების ფასში არ იქნება გათვალისწინებული, არ დაეკემდებარება ანაზღაურებას. სატენდერო წინადადების ფასი სისტემაში მითითებული უნდა იქნეს დღგ-ს გათვალისწინებით.
9. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში.
10. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა უნდა დასაბუთდეს ანგარიშგაქტურით (ინვოისით), რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.
11. პრეტენდენტის მიერ წარმოდგენილი ალტერნატიული წინადადება არ განიხილება.
12. თუ პრეტენდენტი არ არის დღგ-ს გადამხდელი, მასთან ანგარიშსწორება მოხდება დღგ-ს თანხის გამოკლებით.

13. ანგარიშსწორების პირობები

- 13.1. ანგარიშსწორება მოხდება უნაღდო ანგარიშსწორებით საქართველოს ეროვნულ ვალუტაში.
- 13.2. ანგარიშსწორება განხორციელდება მიმწოდებლის მიერ ფაქტიურად მიწოდებული საქონლის შესაბამისი მიღება-ჩაბარების აქტზე მხარეთა ხელმოწერის და საანგარიშსწორებო დოკუმენტაციის (საგადასახადო ანგარიშ-ფაქტურა, სასაქონლო ზედნაღებები) წარდგენიდან 10 (ათი) კალენდარული დღის განმავლობაში.
- 13.3. წინასწარი ანგარიშსწორება (ავანსი) არ გამოიყენება.

14. პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

- 14.1. შემოთავაზებული საქონლის ხარჯთაღრიცხვა დანართი №1-ის შესაბამისად. სავალდებულოა, რომ ხარჯთაღრიცხვაში დეტალურად და გარკვევით იყოს მითითებული შემოთავაზებული საქონლის ტექნიკური მონაცემები. ასევე, სავალდებულოა მითითებული იყოს შემოთავაზებული საქონლის მწარმოებელი ქვეყანა, სასაქონლო ნიშანი და მოდელი (არსებობის შემთხვევაში). დაზუსტებას არ ექვემდებარება ტექნიკური დოკუმენტაცია, თუ არ არის წარმოდგენილი ან მასში არ არის მითითებული ინფორმაცია შესყიდვის ობიექტის წარმოშობის ქვეყნის, სასაქონლო ნიშნის ან მოდელის შესახებ, ასევე არ არის ან განუფასებლადაა წარმოდგენილი ხარჯთაღრიცხვა.
- 14.2. ინფორმაცია საგარანტიო ვადის შესახებ.
- 14.3. შემოთავაზებულ ბრენდს საქართველოში უნდა გააჩნდეს მინიმუმ 1 (ერთი) სერვის ცენტრი. პრეტენდენტმა უნდა წარმოადგინოს აღნიშნულის შესახებ ინფორმაცია.

პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია ხელმოწერილი და ბეჭედდასმული (არსებობის შემთხვევაში) უნდა იყოს უფლებამოსილი ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა და ბეჭდით.

განხორციელდეს სატენდერო განცხადების, სატენდერო დოკუმენტაციის და წინამდებარე ოქმის ატვირთვა სახელმწიფო შესყიდვების ერთიან ელექტრონულ სისტემაში.

კომისიის თავმჯდომარე

ნიკოლოზ გოგილიძე

კომისიის წევრი

ირაკლი კასრაძე

კომისიის წევრი — 7 სიქ — ვლადიმერ სიხარულიძე

კომისიის (ასევე აპარატის) წევრი — [ხელმოწერა] — გიორგი ჯავახიშვილი

სატენდერო კომისიის წევრი მანანა ფრუიძე და სატენდერო კომისიის აპარატის წევრი ირმა გიქორაშვილი სხდომას არ ესწრებიან შევსებულეზაში ყოფნის გამო.